

sextilem Veneris dextrum in quinta radice, Die 25 Nouembris ad sextilem Saturni sinistrum in sexta radice.

Professione Solis est ad 10. 40. Cancri in decima domo radice ad usque diem 25 Septembris, felicissimus status promittitur dignitati, professione, fame, muneri quo quisque fungetur, tum res meliores faciunt, Regum, principumque munificentia, sua per uirtute nouum splendorem consequuntur. A 25 Septembris, in reliquum reuolutio est in undecima domo, tum congregant reditus professionum & munerum, & principalium beneficiorum, sed & benefici erga suos tunc esse solent. Dies huius professionis sunt: Die 22 Martij ad quadratum Solis sinistrum, Die 16 Iunij ad quadratum Mercurij sinistrum, Die 22 Iunij ad trinum Lunae dextrum, Die 8 Augusti ad sextilem Iouis dextrum, Die 8 Octobris ad quadratum Veneris sinistrum in decima domo, Die 19 Ianuarij, ad partem regni in undecima domo.

Professio Medij caeli est ad 25 gradum Virginis in duodecima domo radice usque ad 4. diem Aprilis, tunc aliquid damni faciet, quod a Regibus & principibus detur, aut professionis, honorum uel detrimenta sentiet, aut principum amittet benignitatem, aut obrektionibus, inuidia, maledicentia premetur, tum & consanguinei, aut amici morte eripiuntur. A die 4 Aprilis est in domo prima, per reliquum tempus reuolutionis, Tum promittitur fortuna munerum & functionum publicarum, artificiorum, imperij, accessionesque amicitiarum, gloriaeque ac dignitatis amplitudo, si genesis figura decreuerit &c. Dies huius professionis sunt: Die 2 Septembris, ad quadratum Saturni dextrum in prima domo, Die 28 Septembris, ad oppositum Solis in prima, Die 9 Octobris ad Sextilem Martis sinistrum in prima, Die 24 Decembris ad 8 Mercurij in prima.

Professio partis fortunae est ad 3. 28 Leonis in undecima domo radice usque in 21 diem Decembris. Bonum ab amicis expectandum, tunc lucrosae erunt negotiationes, feliciter pecunia tunc mutuabitur, hoc aptum est tempus petendae debitae pecuniae, aut meriti beneficij a principibus. A 21 Decembris in finem reuolutionis est in duodecima domo. Proderunt tunc captiui & mala facinora, equi, boues, asini, & huiusmodi animalia, Sed tum ferè aliquid de fortunis minuitur uel aut clam. Dies huius sunt: Die 5 Aprilis ad partem regni. Die 18 Iunij ad trinum Solis sinistrum, Die 30 Iunij ad corpus Martis, Die 11 Septembris ad trinum Mercurij sinistrum, Die 16 Septembris ad quadratum Lunae dextrum. Die 25 Nouembris ad caput Draconis, Die 16 Ianuarij ad trinum Veneris sinistrum, in undecima domo.

Nota: Quodcumque aliqua professio pertinet ad bonum aspectum, uel ad corpus fortunae, significat bonitatem significati talis professionis & domus in quam ceciderit, ac iuxta naturam talis planetae, cuius est aspectus. Si ad malum econtra malignitatem portendit.

Iupiter dominus anni id est, dominus signi professionalis, a principio huius reuolutionis in 9 usque diem Maij in reuolutione in medio caeli repertus significat felices euentus omnium rerum, potissime facultatum, uictusque parandi, liberorum suscipiendorum, tunc incrementa promittuntur fame & fortunarum, tunc Deo hominibusque grati, & accepti regibus, fiunt nati, facileque quae uolunt, & uerecunde petunt, obtinent, tunc bonum continget pro natura domus, in qua Iupiter repertus fuerit, &c.

Saturnus dominus anni a 9 die Maij, in reliquum reuolutionis minatur morbum frigidum & humidum, abundantiam flegmatis, atrae bilis importunitatem, &c.

N n Pro Re-